



ル 5
3150
15



門 5
3150
卷 15

黔南識略卷二十三

貴州巡撫長白愛必達撰

開泰縣

開泰縣附郭漢武陵郡鐔成縣地梁龍標縣地隋屬沅陵郡唐敘州龍標潭陽縣地宋為潭溪砦元置古州八萬總管府五開洞屬之至治二年總管府廢五開洞屬靖州明洪武十八年立五開衛內外十六所隸湖廣都司永樂十一年置黎平府于衛城屬貴州布政司

國朝順治十五年裁汰衛所指揮千百戶編管為民設

衛守備一千總一雜正五年改衛爲縣撥屬貴州設
知縣一縣奉一分駐朗洞教諭一訓導一典史一其
境東至湖南靖州屬零溪司界一百五十里西至府
屬潭溪司界十五里南至永從縣界五十里北至府
屬龍里司界七十里東南至通道縣屬深渡界一百
二十里西南至潭溪司界五十里東北至錦屏縣丞
山洞屯界九十里西北至清江通判屬南嘉堡界一
百六十里廣表四百六十里俱與郡地畸零相錯萬
福山在城東二里楚營山在城東四里有楚王壘明
初征苗時築石門山在城東十里又有挂榜山南泉

山在城南三里巖嶂縈紆林木蒼翳山麓有泉一泓
從石縫出清冽特異山因以名天香書院舊址存焉
爲明鄧子龍畱題處太乙山在城西錦屏山在城北
一里銅鼓山在城東北二十里有洞高大如屋深里
許中有溪水橫流亦疊山在新化所盤旋六疊至山
頂因名龍標山在龍里所長庚山亦在龍里所山半
有金星石左有飛鳳山右有凌雲嶺摩天嶺在洪舟
所一峰插天高出雲表又有七斗坡龍洞在中潮所
下有深潭春時羣魚來朝禱雨立應仙人洞在城北
管寨屯深三里可通溪內有石窗石基石鐘諸像羅

團洞在城東北十五里中有石牀可容二百人雙山洞在城東一百二十里三里驛月巖山麓旁有老人槐星子石青霞小洞天在城北謬沖在城東一百六十里下有芋沙溪三面壁削路通一線地界黔楚之交花苗據以爲險雍正五年總督鄂爾泰會湖廣總督邁柱遣兵進剿知府張廣泗率知縣孫紹武等猿攀而上直破其寨有芋沙溪寨者素與謬沖相通並剪滅之餘寨皆就撫今其地無一苗戶矣清水江古沅江也在城東北一百四十里源出都勻受平越諸水逕台拱清江諸處東流逕縣屬苗光寨又逕龍里

司界又逕龍里所又逕府境王寨新化江合焉天柱八卦河自南來注之又東南逕府屬茅平寨又東南過沅口入湖南黔陽縣下流達于江龍溪在龍里所源出三郎司之帶碧溪環所城西北流合于清水江王昌齡詩所謂龍標只在龍溪上明月孤山兩相向者也翰香溪在龍里所南水過龍標山飛鯉坡西流入于龍溪瀉玉溪在龍里所西又名龍舞溪又所東北有醉花溪新化江源出城西四十里府屬之天甫山北流逕入舟司爲入舟江逕新化所爲新化江又逕高屯亦稱高屯浦明史河渠志稱湖廣五開衛與

黔南論冊卷二十三
苗接山路險峻去衛三十里有水通靖州江亂石沙灘請疏以便輸運卽斯處也乾隆十三年知府徐立御伐險疏流引楚船至三什江離城僅十里然今舟楫往來只抵高屯也又東北逕雷寨屯爲角帶江又東北逕亮寨司爲亮江又東北逕府境王寨合于清水江寶帶江在城西土人亦名福祿江源出城西南四十里石井山下之莊家潭東北流逕寶帶山沿城西北流至城東北五里澱村溪入焉又東北合于新化江通志因俗名之訛以爲福祿江源出石井山至府西境爲古州江入廣西柳州界不知石井山之源

入楚不入粵洪亮吉水道考似亦承通志之誤失其實矣澱村溪在城東北五里源出城東北六十里之澱村山西南流經太湖山北入于寶帶江甯溪源出城東南五十里之丑家山東北流逕甯溪堡又東北入于澱村溪九曲河在城北中黃溪在城東北六十里印溪在高屯水中二石如印鷺鷥溪在新化所以上諸水俱合新化江入沅洪舟江源出永從縣爲永從溪逕府屬洪舟司至洪舟所爲洪舟江下流合于湖南通道縣之渠河逕會同縣合郎江又逕黔陽縣注沅水潭洞江在城東南九十里源出龍洞山東流

黔南雜錄卷二十三
四
合洪舟江平茶江在城東南源出城東六十里之太平山逕平茶所東流芋沙溪入焉東北流逕平屯三里驛下流合洪舟江西門堰在平屯所寬五十餘丈灌田五百餘畝又高堰寬四十餘丈灌田三百餘畝大井在縣署左清泉泌湧潺湲不竭洩爲塘水資以養魚神魚井在城南廣三尺有奇長倍之下有石穴淵深不測出五色魚土人云井有神魚明季何忠誠公騰蛟乃神魚所化莫敢捕取也二井日垂綆者以千數隨汲隨盈並緣溝注于城西北河雙井在城東隅相傳水紅卽有兵安人井在中湖所千戶孟廣所

鑿高峰井在黎平所千戶劉忠所鑿馬蹄泉在龍里所洗劔泉在城南相傳明楚王楨洗劔于此廢新化府在新化所明永樂十一年設府與黎平分領田氏十四長官司宣德中省故黎平府在城東五十里官團宏治十年始移治于衛城廢龍標縣在龍里所唐王昌齡謫龍標尉卽此地有墓在龍標山按舊唐書文苑傳王昌齡再遷汜水縣尉不護細行屢見貶斥卒新舊書文藝傳昌齡字少伯江寧人遷汜水尉貶龍標尉以世亂還鄉里爲刺史間邛曉所殺今墓所在未能詳也明工部侍郎陸洙墓在城北督帥何騰

蛟墓在城南其故里在神魚井側萊州知府贈太常卿朱萬年墓在城南舊縣轄十六所八堡八驛地方中所左所右所前所後所中左所中右所今統爲洪舟所在城東一百一十里有城計周二里中潮所在城東南四十里西爲郡之枷杓寨東卽郡之地青寨達洪舟入楚境郡東南之鎖鑰也明景泰五年苗出綏寧分寇中潮所都指揮莊榮與綏寧令羅永德大破之追之洪舟萬歷二十八年皮林逆苗吳國佐石纂太等作亂圍上黃堡焚五開破永從縣圍中潮所總兵陳良珙等合湖貴兵進討是也銅鼓所在城東

北三十里今僅存基址新化所本名新化亮寨千戶所在城東北五十里城周三里有奇明永樂十一年置新化府于此明洪武三十年古州蠻林寬作亂五開衛指揮同知王真同千戶紀達敗賊于蓮花池達獨馬追殺抵新化所城下流矢中腹抽矢納腸裏創復戰賊始卻以功還青州衛指揮新化屯所在城東北六十里龍里所亦名隆里在城東北八十里城周二里有奇明洪武三十年林寬攻龍里千戶吳得鎮撫井孚力戰死景泰六年苗賊蒙能攻破亮寨銅鼓羅團堡諸城圍龍里都指揮莊榮守所城相持七晝

夜都指揮汪迪劉信戰死賊轉圍龍里造雲車衝擊榮令軍士撤戶扉列木柵相持又十四日陳友兵至賊解去南和伯方瑛統湖廣諸軍討之平茶所在城東九十里城周二里明洪武三十年林寬犯新化突至平茶千戶紀達擊退之

國

朝雍正五年謬冲苗亂知府張廣泗勦之副將韓勳帶鎮遠黃施兩營兵駐札平茶諸苗胆落未幾移駐洪舟殄其餘黨蓋黎靖之衝要也平茶屯所今名四鄉所在城東一百一十里城周一里康熙二十九年議以五開衛移駐所城後仍與府同城黎平所在城

西南三十里城約一里向有中中所在城北一百四十里雍正八年撥歸湖南通道縣又懷仁所在城東南一百三十里今廢爲朝陽屯長春所在城南四十里今廢爲長春堡卽上黃堡平和所在城東北七十里今廢爲龍巖涌洞屯武陽所在城西四十里後廢爲天甫屯今皆爲苗寨舊設八堡城東北二十里爲羅團堡東四十里爲甯溪堡山菁深險苗蠻出沒明隆慶中設又十里爲鐵鑪堡明于此設城置關又二十里爲平苗堡一名苗坡堡重巖回互凡十餘里上有路通平茶東南三十里爲燕窩衝堡山谷深險苗

賊潛伏處也亦曰燕窩衝明設關其上城南二十里
爲水井堡城北九十里爲鎮羅堡東北八十里爲石
灰堡八驛東一里爲黃團驛明正德中工部侍郎陸
洙忤劉瑾流于此又東北三十里爲銅鼓驛又東十
里爲鐵鑪驛又二十里爲江團驛又六十里爲三里
坪驛又三十里爲西樓驛又有石家驛永平驛方輿
紀要宋淳熙三年中洞賊姚民敖作亂靖州兵守州
西南之密崖及西樓驛以斷寇路郡守邢遷移兵守
西樓進搗中洞覆其巢卽此石家堡驛距靖州三十
里永平驛距靖州三里雍正八年割歸靖州先是明

洪武十八年諸驛設有走遞馬並有百戶一人領兵
哨守今廢爲民居計城內八堡十三廂城外屯莊三
百有奇均係漢戶雍正七年平謬冲苗招撫九洞二
十六寨苗光十餘寨乾隆三十六年以苗岑等九寨
撥歸下江管理今稱八洞均係苗戶共四萬九千三
百有奇學額取十三名武生取十二名原額下則田
九萬一千三百五十九畝零共徵正銀三千一十四
兩零雍正九年改徵半銀半米共徵銀一千五百六
十三兩有奇改折米一千六百七十四石有奇縣倉
實貯穀二萬二千五十五石有奇每年撥支黎平營

兵糧米七百九十石有奇撥支永從汎兵米三百石
又由糧庫領價採買八洞輓運古州兵米三百七十
四石有奇產米可敷民食木則松柏槐柳梅李桃杏
之屬無銅鉛礦廠亦無稅課縣屬昔皆軍籍明初開
闢之時分兵築砦以居大曰衛小曰所曰堡曰屯各
據要害扼控蠻夷厥後漸立家室族姓寔繁率成土
著故縣屬客籍獨少風俗尚樸士習詩書民勤稼穡
稱上邑焉苗民無土司管轄花衣苗近習漢俗悉以
耕鑿誦讀爲事高坡苗在八洞等處多散居懸崖峭
壁間性頑蠢男婦皆畜髮跣足常食糯米蒸飯捏團

以手掬食無匙箸食蔬菜少用鹽以草灰瀘水代之
婚姻以牛爲聘娶妻祇育一子多卽淹之以爲無產
業給養也設一十五塘大道十僻路五舖五由萬福
山歷羅團六寨至錦屏爲通衢東南二路出靖州通
道縣爲捷徑成德橋在城西門外上有福祿江亭西
江橋在龍里所西樂成橋在中潮所並長十餘丈迴
龍橋在平茶所太平橋在平屯所以溪水源自太平
山也故名

錦屏鄉縣丞

錦屏鄉縣丞屬開泰縣在府治南一百二十里省城

西七百二十里本漢武陵郡地宋爲銅鼓團明洪武二十一年置銅鼓守禦千戶所屬五開衛三十一年改所爲衛後二年廢三十五年復置屬湖廣都司

國

朝雍正五年改衛爲縣撥隸黔省道光十二年巡撫嵩溥奏改爲鄉裁知縣訓導典史設縣丞一員仍設教諭其境東至府屬湖耳正司界三里南至開泰縣茂田屯界十里北至湖耳正司界十里西至湖耳副司界十里東南至府屬亮寨司界十五里西南至湖耳副司界十五里東北至湖南靖州黃泥關界三十里西北至湖耳正司界二十里城周六百三十丈

以石玉屏山在城東二里楚營山在城東五里明初楚王楨征蠻駐兵處也又有筆架山梅花山在城東十里獨樹山在城北十里九牛山在城東北五十里糾坡堡之左右樞山在城東南三十里響水洞在城西北二里石峽飛泉怒噴如雷白衣洞在城東北隅中有石筍滴乳作琴筑聲丁家洞在城南里許洞甚高爽上有石梅花一株石鐘鼓擊之有聲蟹眼洞在城東北隅泉水伏流冬春不竭白雲巖在城西三里巖石清幽溪流環抱稱勝境焉朗溪今名響水溪源出石樞山由縣西北遶城東南逕縣屬五里樂安屯

合新化江又逕湖耳司地達清水江桃花溪在城東里許龍潭溪在城西南城心井在城北街其泉清冽城中俱汲取于此每歲科應試文武童生並額進八名道光七年學政許乃普因應試人少奏請裁減二名撥入永從武童仍照原額道光十二年改為鄉學城南一帶平疇沃衍餘多磽瘠現在成熟田六千三百七十九畝有奇共徵銀二百九十七兩有奇改徵米二百九十石四斗有奇常平倉實貯穀一萬五千九百一十六石有奇城內社倉貯穀三百八十石五斗兵糧于改徵米內支給本處產米僅敷民食市斗

準倉斗一斗二升五合山多杉木茶桐次之通屬約千餘戶均漢民駐城千總一員外委一員兵一百名由鎮遠達郡治為陸道由亮江達湖南為水道迎恩橋在城東通靖州玉帶橋在城東一里水白石橋山曲折而來迴旋如帶明設有銅鼓驛今廢設鋪六盜賊甚稀詞訟簡少餘與首縣同

永從縣

永從縣在府治南六十里省城南九百里漢武陵郡地唐置溪洞福祿州天寶元年改為福祿郡至德二年改為唐林郡乾元元年復為福祿州隸嶺南道宋

置允州及安口縣又于中古州置格州及樂古縣旋改格州爲從州隸廣南西路政和初廢後改永從軍民長官司元隸思州安撫司明洪武中改置福祿永從蠻夷長官司後廢永樂中復置屬貴州衛宣德六年以土官李瑛絕改爲永從縣置流官

國朝因之康熙二十五年廢西山司地入縣設知縣一教諭一訓導一縣丞一分驛內妹距城一百二十里典史一其境東至府屬高輕寨界二十五里西至古州同知屬滾唐寨界一百五十里南至廣西柳州府懷遠縣屬沈口寨界九十里北至本府界六十里東

南至廣西懷遠縣屬漂口村界一百九十里西南至廣西柳州府羅城縣屬景里村界一百八十里西北至府屬八舟司山洞寨界十里東北至開泰縣屬滿團屯界六里周回六百四十五里山谿深阻夙稱險要接連百粵控扼諸蠻城周三百丈甃以石門四明萬歷二十一年建宋允州故城在縣南從州故城在縣西元西山大洞等處長官在縣西南祿高山一名飛鳳山在縣治後爲邑之鎮山大力山在城南二里蒼山在城南三里爲縣治藩屏青龍山在城南五里林木深秀上有寺出甘泉皮林山在城東南三十里

有皮林洞高爽寬廣可容數百人明參將鄧子龍題
過化二字于石壁上一名過化山明史稱萬歷二十
八年皮林逆苗吳國佐石纂太等作亂總兵陳璘潛
兵奪隘縱火焚其巢卽斯處也鹿背山亦稱六背山
在城東南二十五里閩興邦黔苗叛服始末考吳團
佐反指揮李若擣潘老寨轉攻六背山卽此灑洞山
在城東南四十里洞甚深險寬廣可容百餘人龍圖
山在城東南五十里雲洞山在城東南六十五里上
有洞嘯天龍山在城西南八里古方山在城西南十
五里俗名老荒山仙鷺磴在城南四十里孤峰峭峙

四面壁削中開一坪可容數千人滑石板在城南十
五里石上傳有仙人掌膝印管團洞在城西南二十
里傳有鵬鳥春來而冬去都江由古州逕下江通判
城西入縣界又名福祿江至丙妹逕懷遠屬梅寨司
沈口汎又逕縣屬八樂村入懷遠界達粵明史地理
志黎平府又有福祿江其上源爲古州江下流入廣
西懷遠縣境永從縣南有福祿江有彩江流合焉西
山司西北有大巖山大巖江出焉東南入于福祿江
廣西懷遠縣西北有九曲山山南爲石門山兩山夾
峙福祿江自黔永從縣流逕其中至融縣爲融江至

柳城縣爲柳江蓋是水卽古牂柯江土人隨地納名上流稱都江逕古州謂之古州江逕縣境以其地爲唐之福祿州故稱福祿江也柳州柳宗元詩所謂林邑東迴山似戟牂柯南下水如湯是也又有高增河源出潮里寨逕高增寨至丙妹分縣城北入都江又皮林河源出皮林寨東南至泡浪地方入都江永從溪今亦稱福祿江源出城南九里之五龍山北流逕城東又北逕開泰縣屬長春堡又逕中潮所折而東逕洪舟司謂之洪舟江又東入湖南界合洪江方輿紀要稱永從溪源出江頭山東流入湖廣通道縣界

爲多星江者是也又有水溪二道一由城西南九里石化山發源繞城西而北與永從溪合一由城東南二十里府屬富榮寨發源逕縣東北合永從溪石牛潭在城北五里潭水深澄傳昔有捕魚者見石牛踞洞口懼不敢入異井在城東沖虛井在城西泉水清澈民俗淳樸詞訟頗簡每歲科學額八名嘉慶十二年裁去二名以一名撥入黎平一名撥入開泰道光七年巡撫高溥學政許乃普奏準將錦屏學額量減二名撥入永從以符原額仍進入名社館三在城及皮林丙妹各一苗田向無弓口畝數計禾一把上

田值一二金下田值五六錢不等不立契紙以木刻
爲憑近亦有知用契賣者一夫力耕歲可獲禾百十
把現在成熟田三千八百二十八畝有奇又雍正九
年各苗自首田八千八百六十三畝有奇額徵正銀
二百一十三兩有奇改徵米二百六十六石有奇又
苗疆折正銀五百零三兩有奇歷聽諸苗分攜棉花
苧麻布疋雞子諸物赴官折納官爲變價其樸陋如
此常平倉實貯穀一萬六千九百五十八石有奇社
倉貯穀九千二十六石有奇兵米于改徵米內支給
不敷之數由開泰縣撥補通屬漢民苗民共一萬一

千六百四十八戶苗寨大小共一百五十七寨俱係
黑苗性馴良與漢民不甚懸殊西山寫遠地方係高
坡苗多畜髮住居山顛未習漢語服食甚陋鮮入城
市無土司管轄遇有一苗爭訟則諸苗互罰之以故
邑稱最簡設三汛四塘城中駐劄黎平營分撥守備
一員把總一員外委一員兵一百八十八名分防丙
妹汛把總一員兵八十名西山汛外委一員兵二十
名無驛遞渡口設鋪九福祿橋在城南門外神龍橋
在城西南六冲寨餘與各縣同

黔南識略卷二十三終

